

Ўзбекистон Республикаси  
Қишлоқ ва сув хўжалиги вазирлиги

ПРЕСС-РЕЛИЗ

**“Ветеринария хизмати: сифат ва самара” мавзусида матбуот анжумани**

2016 йил 19 декабрь

**Матбуот конференциясининг мақсади.** Мамлакатимизда чорвачиликни ривожлантириш, чорва молларини касалликлардан муҳофаза қилиш ҳамда уларни даволаш, шахсий, деҳқон ва фермер хўжаликлариди ветеринария-санитария ҳолати барқарорлигини таъминлаш орқали аҳолини сифатли чорвачилик маҳсулотларига бўлган эҳтиёжини қондириш борасида амалга оширилаётган ислоҳотлар, уларнинг мазмун ва моҳиятини оммавий ахборот воситалари орқали кенг жамоатчиликка етказишдан иборат.

Матбуот анжуманида оммавий ахборот воситалари ходимлари, вазирликнинг раҳбар ва мутахассислари, Давлат ветеринария бош бошқармаси ва унинг тизим ташкилотлари раҳбарлари ва тегишли мутахассислари, идоравий ветеринария хизмати вакиллари қатнашди. Матбуот анжуманини Ахборот-таҳлил ва Матбуот хизмати бошлиғи М.Ибрагимов олиб борди.

Кун тартибидаги масала юзасидан Давлат ветеринария бош бошқармаси бошлиғининг ўринбосари Б.Файзуллаев ахборот берди.

***Айрим далиллар ва рақамлар:***

Бугунги кунда мамлакатимизда аҳолини сифатли озиқ-овқат маҳсулотлари билан узлуксиз таъминлаш мақсадида кенг кўламли ислоҳотлар амалга оширилмоқда. Хусусан, истиқлолнинг илк кунлариданоқ иқтисодиётимизни барқарор ривожлантириш, халқимиз турмуш даражасини ошириш йўлида томорқа учун ер майдонлари ажратиш, деҳқон ва фермер хўжаликларини ривожлантириш, аҳолини гўшт ва сут маҳсулотлари билан таъминлаш учун кенг имкониятлар яратилди.

Бунда соҳанинг ҳуқуқий асослари яратилгани, хусусан Ўзбекистон Республикасининг “Озиқ-овқат маҳсулотининг сифати ва хавфсизлиги тўғрисида”ги ва “Ветеринария тўғрисида”ги қонунлари ва бошқа бир қатор қонун ва қонун ости ҳужжатлари қабул қилингани муҳим омил бўлмоқда.

2015 йил 29 декабрда янги таҳрирда қабул қилинган Ўзбекистон Республикасининг “Ветеринария тўғрисида”ги Қонуни ва Ўзбекистон Республикаси Президентининг “2016-2020 йилларда қишлоқ хўжалигини янада ислоҳ қилиш ва ривожлантириш чора-тадбирлари тўғрисида”ги Қарори ветеринария соҳасининг янада ривожланишида катта аҳамият касб этмоқда.

Ветеринария соҳасини янада такомиллаштириш мақсадида Ўзбекистон Республикаси Вазирлар Маҳкамасининг 2016 йил 8 августдаги “Ветеринария хизмати ёш кадрларини тайёрлашни янада такомиллаштириш, мутахассисларнинг малакасини ошириш, шунингдек уларни рағбатлантириш чора-тадбирлари тўғрисида”ги ҳамда 2016 йил 25 октябрдаги “Давлат ветеринария хизмати тизимини янада такомиллаштириш чора-тадбирлари тўғрисида”ги қарорлари қабул қилинди.

Статистик маълумотларга кўра, қишлоқ хўжалик маҳсулотлари ялпи улушининг қарийб 45 фоизи чорвачилик ҳиссасига тўғри келмоқда. Бунга чорва молларини кўпайтириш ва маҳсулдорликни ошириш ҳисобига эришилмоқда. Мисол учун, 2006–2016 йилларда Украина, Беларусь, Польша, Австрия, Германия, Голландия каби мамлакатлардан 69 мингга яқин юқори зотдор қорамоллар олиб келинди.

Чорва молларнинг наслини яхшилаш мақсадида биргина жорий йилнинг ўтган даври мобайнида 1 млн 416 минг бош сигирлар сунъий уруғлантирилди.

Ўзбекистон Республикасининг “Ветеринария тўғрисида”ги Қонунига мувофиқ ветеринариянинг асосий вазифаларидан бири бу, аҳолини одам ва ҳайвонлар учун умумий бўлган касалликлардан муҳофаза қилиш ҳисобланади. Ёки бир сўз билан айтганда **“Тиббиёт инсонни даволаса, ветеринария инсониятни асрайди”!**

Шу мақсадда, давлат ветеринария хизмати томонидан эпизоотияга қарши профилактик тадбирлар эпизоотик вазият ва ҳайвонларнинг иммун фонидан келиб чиқиб, белгиланган тартиб ва муддатларда олиб борилмоқда.

Ўтган даврда 29,7 млн. бош чорва моллари 9 турдаги ва 58,7 млн. бош паррандалар 4 турдаги касалликларга қарши профилактик эмланди ҳамда 220 мингдан ортиқ ҳайвонлар сақланадиган жойларда дезинсекция тадбирлари ўтказилиб, 27,0 млн. бошдан ортиқ чорва моллари профилактик чўмилтирилди.

Республикамизга кириб келаётган ва транзит ўтаётган қарийб 76,6 минг автотранспорт воситалари ҳамда 4,1 мингдан ортиқ темир йўл вагонлари ветеринария-санитария ишловидан ўтказилди.

Давлат чегараларини кесиб ўтиш жойларида фаолият кўрсатаётган чегара ветеринария назорати пунктлари томонидан ветеринария, ветеринария-санитария қоидалари ва талабларига жавоб бермаган ва тегишли ветеринария ҳужжатлари бўлмаган 73 бош ҳайвонлар, 165 бош қушлар, 1400 кгдан ортиқ гўшт ва гўшт маҳсулотлари, 700 кгга яқин сут ва сут маҳсулотлари ва 730 донадан ортиқ истъеомол тухуми республика ҳудудига кириб келишининг олди олинди.

Шунингдек, аҳоли ўртасида инсонлар ва ҳайвонлар учун умумий бўлган юқумли касалликлар бўйича хабардорлигини ошириш ва “Ветеринария тўғрисида”ги Ўзбекистон Республикасининг Қонунида белгиланган ҳайвон эгаларининг ҳуқуқ ва мажбуриятлари юзасидан тушунтириш ва ташвиқот ишлари олиб борилмоқда.

Ўтган давр мобайнида соҳанинг моддий-техника базаси ва хизмат кўрсатиш салоҳияти сезиларли даражада шаклланди. Жумладан, жорий йилда Бухоро ва Хоразм вилоятларида жаҳон андозаларига мос замонавий типдаги ҳудудий диагностик ветеринария лабораториялари янгидан қурилиб фойдаланишга топширилди.

Шунингдек, ўтган 2015-2016 йиллар давомида 2 минг 630 тадан ортиқ термосумкалар харид қилиниб, эмламаларни белгиланган ҳароратларда олиб юриш ва патологик намуналарни яроқли ҳолда ветеринария лабораторияларига етказиш мақсадида жойларга етказилди.

Шу билан бирга, 1 минг 900 тадан ортиқ совутгичлар ва 470 тадан ортиқ озик-овқат маҳсулотлари хавфсизлигини ўрганишда зарур бўлган лактан ва микон лаборатория жиҳозлари таъминот қилинди.

Давлат ветеринария хизматининг ўз маблағлари ҳисобидан аҳоли тарқоқ жойлашган ҳудудларда фаолият кўрсатаётган участка ветеринария врачлари ишининг тезкорлигини янада ошириш мақсадида ветеринария участкалари марказлашган ҳолда 185 та мототранспорт, 220 та велосипед, қарийб 500 та қўл пуркагичлари, 200 та термосумкалар ва 100 та дьюар идишлари билан таъминланди.


Ўтказилаётган тадбирларнинг самарасини янада ошириш мақсадида белгилаб берилган янги тизимга мувофиқ ветеринария мутахассисларидан иборат гуруҳлар ташкил қилиниб, гуруҳ усулида профилактик тадбирлар ташкил этилмоқда ва бу тадбирлар Эпизоотик тадбирлар бажарилишини мувофиқлаштирувчи Республика штаби томонидан алоҳида назоратга олинган.

Эпизоотияга қарши профилактик тадбирлар тизимли равишда олиб борилиши натижасида бугунги кунда Республикамиз ҳудудида ҳайвонларнинг ўта хавфли юқумли касалликлари бўйича соғлом эпизоотик вазият барқарор сақланиб, ветеринар осойишталик таъминланмоқда.

#### **Қўшимча маълумотлар учун:**

Давлат ветеринария бош бошқармаси шўъба мудири А.Ақбаров тел.: 276-49-92

Ахборот-таҳлил ва Матбуот хизмати Матбуот котиби: О.Норбеков. тел: 239-17-81



Министерство сельского и водного хозяйства  
Республики Узбекистан

ПРЕСС-РЕЛИЗ

Пресс конференция по теме: “Ветеринарная служба: качества и достижение”

19 декабря 2016 г.

**Цель пресс конференции:** Информирование населения через СМИ суть и содержание реформы в развитие животноводства, профилактика и лечение животных от инфекционных болезней, а также обеспечение населения качественными ветеринарно-санитарном отношении пищевыми продуктами в стране.

В пресс конференции участвовали представители СМИ, руководители и специалисты госветслужбы и животноводы Министерство сельского и водного хозяйства Республики Узбекистан, а также представители ведомственных ветеринарных служб.

**Модератор:** Начальник пресс службы Министерство сельского и водного хозяйства Республики Узбекистан М.Ибрагимов.

Заместитель начальника главного государственного управления ветеринарии Б.Файзуллаев информировал присутствующих по вопросам повестки дня.

***Некоторые факты и цифры:***

С первых дней независимости для устойчивого развития экономики и повышения жизненного уровня населения, развитие дехканских и фермерских хозяйств, обеспечение мясными и молочными продуктами созданы широкие возможности.

При этом важным фактором являются создание правовых основ отрасли, в частности принятие Законов Республики Узбекистан «О качестве и безопасности пищевой продукции» и «О ветеринарии» а также ряда других законов и законодательных актов.

В 29 декабря 2015 года принятие Закона Республики Узбекистан «О ветеринарии» в новой редакции и Постановления Президента Республики Узбекистан «О мерах по дальнейшему реформированию и развитию сельского хозяйства на период 2016-2020 гг.» служить в дальнейшем развитии ветеринарной службы.

В целях усовершенствования ветеринарной службы приняты Постановление Кабинета Министров Республики Узбекистан «О мерах по дальнейшему совершенствованию подготовки молодых кадров, повышения квалификации, а также стимулированию специалистов ветеринарной службы» от 8 августа 2016 г. и «О мерах по дальнейшему совершенствованию системы государственной ветеринарной службы» от 25 октября 2016 года.

По статистическим данным от общей доли сельскохозяйственной продукции около 45 процентов принадлежит животноводству. Это достигнуто благодаря за счет увеличения поголовья и повышения продуктивности животноводства.

Например, в 2006-2016 годах из Беларуси, Польши, Австрии, Германии, Голландии и других зарубежных стран завезено около 69 тысяч голов племенного скота, только в этом году для улучшения породы животных искусственно осеменены 1 млн 416 тысяч гол. коров и нетелей.

Согласно Закона Республики Узбекистан «О ветеринарии», одним из основных задач ветеринарии является защита населения от болезней общих для людей и животных. Или же одним словом *«Медицина лечит человека, а ветеринария оберегает человечество»!*

Исходя из эпизоотической ситуации и иммунного фона животных в этой целью установленном порядке и в сроках проводятся государственной ветеринарной службой профилактические мероприятия.

За прошедший период текущего года профилактически вакцинированы 29,7 млн. голов животных против 8 видов, 58,7 млн. голов птицы против 4 видов инфекционным болезням, а также проведены дезинсекционные работы на 220 тысяч местах содержания животных и проведены профилактические купки более 27,0 млн. голов животных против эктопаразитов.

В государственной границе более 76,6 тысяч заезжающих в территорию республики и транзитные автомобильные и 4,1 тысяч железнодорожные транспортные средства прошли ветеринарно-санитарную обработку.

А также проводятся разъяснительные и агитационные работы по повышению осведомленности населения о заразных болезнях общих для людей и животных, и о правах и обязанностях владельцев животных.

За последние годы заметно сформировалась материально техническая база отрасли. В текущем 2016 году в Бухарской и Хорезмской областях построены и введены в эксплуатацию региональные диагностические лаборатории отвечающие мировым стандартам.

2015-2016 годы приобретены и оснащены региональные службы более 2 тысячи 630 термосумками для хранения вакцин и доставки патологических образцов в ветеринарные лаборатории, а также более 1 тысяч 900 холодильниками и 470 лабораторными оборудованями (лактан и микон), необходимые для обеспечения безопасности пищевых продуктов.

С целью повышения оперативности и качества ветеринарных услуг в ветеринарных участках за счет собственных средств государственной ветеринарной службой закуплены и обеспечены 185 мототранспорты, 220 велосипедами и около 500 опрыскивателями, 200 термосумками и 100 сосудов дьюарами.

Для повышения эффективности противоэпизоотических мероприятий созданы отряды. В результате систематического проведения профилактических противоэпизоотических мероприятий, на сегодняшний день на территории республики сохраняется благополучная эпизоотическая ситуация.